

Sanhgyangh: Haj Yienh Guengjsae Huz-nanz Gveicouh Caez Ciengq Fapsuiq Moq

Ndwen 4 ngoenz 11, aen yizsi hainduj ndwen senhconz sougvaeh aen daih 28 haj aen yienh Guengjsae Huznanz Gveicouh sam sengj(gh) nem aen hozdung comzyienj vwnzyi “fwen ciengq gemj gvaeh gyangq cienz” youq Sanhgyangh Dungcuz Swciyen Gujyiz Cin Dohyeh Gvangjangz banh, gyoengq vunz caizsuiq Guengjsae Lungzswng, Sanhgyangh, Huznanz Dunghdau, Cingcouh caeuq Gveicouh Lizbingz haj yienh doxcomz giz ndeu, hopheux aen cawjdaez “doeksaed gemj sui qyangq cienz, coicaenh ginghei hwngfat caetliengh sang”, yungh fat gangj gij cihsiz fapsuiq, gofoux, siujbinj caeuq camdap gij cihsiz fapsuiq miz ciengj daengj hingsik lai yiengh,

senhconz gij ciengzsik mizgven fapsuiq hawj vunzlai dangdieg, dazfwngz cauh ok gij gwzgiz moq senhconz fapsuiq “senhconz hung, cienzciengq hung, lienzhab hung, daezswng hung”.

(Gungh Bujganh Banh Cisiengz/龚普康 潘志祥)



► Boux caizsuiq fat senhconz swhliu hawj vunzlai dangdieg.



▲ Golaux Dungcuz ciengq fapsuiq.



▲ Gyoengq canghfwen Yauzcuz cingq doiq fwen.

Hingh'anh Yen Banh Gaiq Nduj Ciet Lijyouz Vwnzva Yauzcuz

Ndwen 4 ngoenz 7 banhaemh, Hingh'anh Yen gaiq nduj ciet lijyouz vwnzva Yauzcuz youq Vazgyangh Yauzcuz Yangh dinbya Byamauh'wzsan hainduj, baez hozdung neix youz Hingh'anh Yen Minzcunghgiz caeuq Aen Ginggih Byamauh'wzsan Guengjsae lienzhab banh, iucingj beixnuengx Yauzcuz Lungzswng, Bingzloz, Gvanyangz daengj dieg daeuq caeuqfaenh hozdung. Vanjvei yienhciengz, gyoengq beixnuengx Yauzcuz ndang daenj buhvaq minzcuz moqsag, ciengqgo diuqfoux, langhbaiz gij ndangdaenj minzcuz, diuqfoux Yauzcuz hawj bouxhek caeuq vunzlai dangdieg yawj, doenggvaq gofoux senhconz gij vwnzva Yauzcuz.

Ndwen 4 ngoenz 8, youq Aen Ginggih Byamauh'wzsan beixnuengx Yauzcuz ndang daenj buhvaq moqsag doiq fwen, danqhaenh ndwenngoenz ndei, ciengqgok seizdaih moq. Youq dingjbya Byamauh'wzsan sang 2000 lai mij neix ciengqgok 《Gou Caeuq Guekcoj Gou》, ciengq ok gij cingz gyaeh guekcoj gyoengqde.

(Cau Yungzgoz/赵荣国)

Denzyangz: Minzsuz Lai Yiengh Angq Mbouj Dingz Mbanjranz Mbanjcuengh Heiq Ciet Noengz

Ndwen 4 ngoenz 11 daengz 13, liggaeuq ndwen-sam cocaet daengz cogouj, Singzgeq Denzcouh Denzyangz youq ndaw singzgeq banh vaiz doxdaemj doxdax, eu fwen doxdax, langhbaiz swjcan, biujyienj foux saeceij, gaeb bya mizyinx, danz dingzdingj, dwkdomq, diuq fouxsaux, vwnzyi vanjvei daengj hozdung guh'angq vwnzva minzsuz lai cungj lai yiengh, ndaw sam ngoenz neix gak cungj minzsuz hozdung daiz dem daiz, ndei yawj mbouj dingz, diegdieg angq dangqmaz.

(Vangz Gozsun)



▲ Bouxhek caeuqfaenh diuq fouxsaux.

Gunghcwngz: Banhaemh Vwnzyi Senhconz Fapsuiq Hoengh



▲ Canghfwen yienj eu fwen.

Ndwen 4 ngoenz 9 banhaemh, Gunghcwngz Yauzcuz Swciyen Suivugiz banh aen hozdung bi 2019 senhconz fapsuiq caeuq “sam nyied sam Boux-cuengh” gvangjangz vwnzyi cienciengz yienjok, yungh gofoux, fwen, siujbinj daengj vwnzyi hingsik, byonghyang gyahaeuj camdap miz ciengj, dawz gij cihsiz fapsuiq senhconz hawj gyoengq vunzlai.

(Cwng Ciminj/郑智敏)